



Sindikat Granične policije Синдикат Граничне полиције

UPRAVNI ODBOR

SINDIKALNA PODRUŽNICA-SVIMA

-Sindikalnim povjerenicima

-Članovima SGP BiH

PREDMET: Obavještenje, dostavlja se.-

Poštovani članovi Sindikata GP BiH i pripadnici Granične policije BiH,

Ovim putem Vas obavještavamo da Sindikat intenzivno provodi aktivnosti u pravcu izjednačavanja prava policijskih službenika koji svoja prava iz penzijskog i invalidskog osiguranja ostvaruju u Republici Srpskoj, sa pravima policijskih službenika koji svoja prava iz penzijskog i invalidskog osiguranja ostvaruju u Federaciji BiH, a kroz usvajanje Zakona o dopuni Zakona o policiji i unutrašnjim poslovima u RS, odnosno da se omogući policijskim službenicima koji su uposleni u policijskim organima na državnom nivou, koji imaju prebivalište u Republici Srpskoj i kojima se doprinosi na obavezno penzijsko i invalidsko osiguranje uplaćuju u RS, na način da im se prilikom obračuna penzije uzima prosjek od 5 najpovoljnijih radnih godina u službi.

SGP BiH je i prije donošenja prijedloga Zakona o dopuni Zakona inicirao određene aktivnosti kako bi se odredbe ovog Zakona primjenjivale i na policijske službenike u policijskim organima BiH na državnim nivou, a koji svoja prava na penziju ostvaruju u RS.

Napominjemo da je neophodno da se riješi prvi korak, odnosno usvoji Zakon o dopuni Zakona o policiji i unutrašnjim poslovima u RS, kako bi se preduzimale druge konkretnije aktivnosti a koje bi se odnosile na izjednačavanje prava kod obračuna penzije i za policijske službenike uposlene u policijskim organima u BiH na državnom nivou, sa prebivalištem u RS, za koje se vrši uplata doprinosa prema Zavodu PIO RS.

Zajedničkim aktivnostima sa Savezom Sindikata policijskih organa BiH smo doprinijeli da policijski službenici koji imaju prebivalište u Federaciji BiH i kojima se doprinosi uplaćuju prema Fondu PIO FBiH ostvare jednaka prava kod obračuna penzije kao i policijski službenici na nivou Federacije BiH. Dakle Sindikat svojim inicijativama aktivno doprinosi rješavanju tog pitanja.

Ističemo da je novi način obračuna penzije od 5 najpovoljnijih godina za policijske službenike na nivou Federacije BiH također usvojen naknadno, nakon usvajanja izmjena i dopuna Zakona o policijskim službenicima FBiH.

Sindikatska organizacija Granične policije BiH, Sindikatska organizacija SIPA-e i Sindikat Državne agencije za istragu i zaštitu BiH samostalno kao i preko Saveza Sindikatskih organizacija policijskih organa u BiH će po usvajanju Zakona o dopuni Zakona o policiji i unutrašnjim poslovima u RS koji je u postupku usvajanja na narodnoj Skupštini RS, po hitnom postupku poduzeti sve neophodne aktivnosti u cilju uvođenja policijskih službenika sve tri policijske agencije na nivou BiH u ostvarivanje tih prava kod Fonda PIO RS na jednak način kao i u Federaciji BiH.

Zahvaljujemo na razumjevanju i podršci.

**PREDSJEDNIK
UPRAVNOG ODBORA
Emir Tanović**